

张羽新 徐中起 欧光明 主 编

张双志 苏 钦 副主编

《清朝安边治国 民族立法文献汇编》



中国民族摄影艺术出版社

本册目录

苗疆民族立法文献(二十)

· 平黔纪略(上)(清·罗文彬 王秉恩撰)

平黔紀畧序

黔中疆域雖闢自秦漢然苗蠻雜處僅事羈縻歷代變亂迭興未遑遠畧土官世襲多仍其舊迨鴟音向化漢族漸多元代設官始粗具規模明置布政司乃列行省改土歸流之制逐漸推行苗族遂日以衰落然以世守基叢不獲保全獷悍之徒不得不狡焉思逞以是數十百年必有一大亂致煩勞師遠征而餉需銷耗人口之散亡實不可以數計時代既遠紀述不詳故明以前苗亂始末未有專書僅於正史別錄畧見梗概而已綜計



全黔形勢東起湘邊西訖滇境橫貫其中千數百里爲
驛程大道素稱坦途北則接壤川疆開化亦早惟南通
粵西之路山川阻深灌莽叢棘所在梗塞凡屬生苗概
不與漢族接近惟熟苗則尙有交通如劍河榕江一帶
自來王化不及人跡罕至載籍雖有著錄者清雍正中
彼族據險作亂蔓延浸廣總督爾泰專任將官張廣泗
假以全權次第削平夷爲郡縣四通八達之規於是成
立是役用兵數載爲苗疆實行統一之勝利雖版圖式
廓鐵柱銘勳曾不如李化龍之勳定黔北尙有平播全

書之紀殊可惜也自是安定者又踰百有餘年中間雖偶有變故不久卽平至咸豐初洪楊突起中原多故無餘力顧及邊方而黔亂乃亟初發輒於遵義漸次徧於全省殺戮之慘流亡之酷蓋幾有周遺靡孑之痛焉其時股匪繁多名號紛複縱橫交錯出沒無常苗族勢力擴張實占重要部分其餘亦乘機煽動各自稱強所幸舉事者雖屬梟雄仍是酋長部落故技無遠大之智識以圖進取卽使官方孱懦餉絀兵單危機四伏而省垣卒獲安堵得以措施一切惟上下游

黔俗稱省以西爲上游省以東爲下游

城邑殘破無一完區所苦者獨編戶之氓耳此次之亂
始咸豐迄同治首尾凡二十年事定之後黔撫湘潭黎
文肅飭貴東道龍陽易笏山佩紳先生總紀其事以備
參考易先生長於文學特延聘貴陽羅贊庵文彬華陽
王雪澄秉恩兩先生專任編輯當時奏章公牘尙皆完
整兩先生熟悉史事洞見本原竭數寒暑之力得告成
功願以政府更迭未經刊布僅羅王兩先生處各有鈔
本一份民國八年丁巳通志局開始愚亦承乏其間局
中甚欲覓得此書以爲根據而典守者視爲秘寶不以

示人丁卯歲三合胡君羽高任貴陽縣長倡議修縣志多方計畫煞費苦心始將此書取得亟付文通書局排印而限於時日倉卒鈔寫缺少精校訛誤既多更有錯簡俾閱者如墮五里霧中未能滿意誠屬遺憾去歲本館刊印叢書五集卽主張以此爲先借鑒徵求黔故者之望幸愚於羅氏本屬世交乃於質庵先生詰嗣霞卿處假獲原本囑館中同事柴君曉蓮取胡君所印與此本對勘將紛錯處詳加改正俾無訛脫始行印出此集專載史部附以關於史事者數種共成一集用特詳敘

弁紳民建策陳言或熟地道或諳賊情或指陳利弊
或籌畫久遠無論行否酌爲甄錄以著他日情事以
備後來采擇

全書體例畧仿通鑑惟無自案語竊取諭旨以爲裁斷
其有指授方畧及申飭臣下之文敬謹恭錄以見功
有專歸莫敢貪爲己力咎無旁貸無從著一曲筆若
夫上司本管之申飭同僚紳民之指陳亦附著一二
凡皆據事直書不以意爲增省惟恭錄諭旨中其一
件中有牽涉他事與本書無關者不無節取要以片

段爲起止不敢字句有刪塗其奏摺則畧加修潤以歸畫一以省篇幅故以畧曰別之

初纂此書出於衆手事蹟既多割裂棄取時有異同或始畧而終具或見首而遺尾踵複矛盾錯訛參差難歸一是後重核奏案稟報增補刪潤鉤勒移併四五改纂始少就緒復仿紀事本末逐事分門貫穿首尾用免淆譌若欲考究一事始終者但自標識讀之亦可聯屬成文

事事書日動多牽掣必至以一事分爲數段益覺支離



此書傳布源委以見凡成一事者之不易至書中概係紀實絕少鋪張詳而不穢簡而有要深於文義者當自知之不待煩言矣

民國二十七年戊寅春安順楊恩元序

例言

設局官修之書非同私家紀載自以奏摺爲憑取備他日國史方畧采擇庶歸一致以免差歧惟現存奏摺極力搜羅仍屬缺如討問厥繇或攜載歸橐或斷爛積塵本末曲折末由貫串故創藁之初先爲長編卽二十年奏報括取無遺其不具者乃泝之稟報又由本人稟報參考他稟報以及鄰省咨移州縣采訪比附證校折衷一是不執成見不主一說間有大異者卽兩存之然字字皆有來歷不敢臆造武斷其有官

朱錫鬯上史館書所謂拘定年月致礪文法是也今只以年月爲斷非失城復城大捷諸事不繫日書日亦從官書不用枝幹惟通鑑二千餘年事故每年提首今只二十年事故每月提首分章畫段則空一格但就賊情之離合爲起訖不以疆域之屬別爲界畫稟報中有所謂紅衣黃衣雉尾諸賊輒錫以僞王僞侯僞帥等名恢張勞勩此類從寬紀載亦只概以賊首二字非確係巨憝不得書僞又大亂之際常有惡紳彊團據城逐官等事其人在非賊非民之列其迹在

不臣不叛之間此類最難著手但就其互相稟訐各
件中揣度情理字句間畧見微指於是非究未能遽
定

賊渠名字稟報中多故易醜惡字往往互異失真抑且
近於詛咒不知上世饕餮檣杙皆因其行惡而名以
肖之非改換字面也書中如犵狁狁狁狁狁夷皆
去犬旁犵本作革狁本馬仲後卽作仲皆取大雅可
觀惟猓羅本鹿盧之轉若作本字將不解爲何物則
姑仍之其別名綽號又當他論然過於鄙俗等字亦

不盡書伏讀乾隆四十年上諭曰朕每見法司爰書以犯名書作惡劣輒令更改而前此書回部每加犬作狗亦令刪去犬旁此等無關褒貶適形鄙陋豈同文之世所宜有又乾隆三十二年臺灣奸民倡天地會地方官改作添弟會化大爲小規避處分及林爽文叛詔查參府縣並究其改字幕友之罪此皆聖訓煌煌垂諸策府者故聖武記於教匪名目皆書本字今悉遵之

賊渠死亡自古率多疑案軍中偶勝或奪某巢輒報賊

首某死亂軍中又有獲非其人而指鹿爲馬如晉史之孫歌宋史所稱儂智高之類今奏報中卽明稱軍前正法如包茅仙陳喬生等旋又獲之又若李文彩王超凡猶有能指其尙在者皆其類也

人名無論賊目卽文武員弁見諸稟報者稱名稱字時見混淆間有音近而字異者卽一人稟報中先後亦多不畫一甚至本人姓氏竟爾參差如卜登友或又作蒲莫知何誤無怪唐書瞿章瞿璋元史速不台雪不台之滋議也其有同時而姓名相同者官弁如桂

林劉正朝楊開祥李春華等賊首如陳大六潘老冒等雖經詳爲分明終恐難免錯誤

黔地叢雜數里輒一易名最易眩目纂輯時少失檢核竟至進退東西顛倒錯誤莫可究詰且稟報隨意雜書或以形近而誤方言清濁攸別或以音近而差又如牛場雞場馬鞍岔河同名異地尤難縷陳更有頓師坐守塘塞戰功進止追奔一地數易既無方向可憑亦無道里可核其實縱橫不過一二十里此類更難考查夫軍行進止重在扼塞形勢一字之差謬以

千里六歸六廣幾覆全師故地里爲用兵第一要義
特爲詳考道路方向仿聖武記自注下方其著名險
巢關塞扼要尤加詳焉間附水道源流如省城之江
內江外思南之河東河西清江之南岸北岸均關緊
要不憚覲縷看似瑣雜實寓微意

官階但於初見時及有升降見則具之其殉忠戰歿則
具著盡職也棄城覆師亦具著溺職也

黔賊名目最夥以苗教爲兩大宗仲與楨與猓羅次之
叛練疆團又次之粵賊則出沒邊隅往來假道耳苗